

# I angliškola tani kerdi tumare čhavage

JEK BROŠURA BAŠO ANGLEŠKOLAKORO SIKLJOJBASKORO PLANI



*Skolverket*



## Tu sian važno

Tu sian odova so terdžovea tle čhavage najpaše. Odoleske tlo mišenje tano but važno e angleškolate. Tu te vakerdžan odova tegani but i polokhe e manušenge so kerena buti ki angliškola te den tle čhavage odova soj olenge potrebno.

Kaj te šaj tu te uticine tegani tu trebela te džane sar funkcirinela i angliškola.

## Ko drumo prema isto cili

I vlada (radža) potvrdindža o sikljobaskoro plani, kori so terdžola e angleškolakoro osnovno vrednost a isto adžahar savo cili hem savi buti isi e angliškola. Tu te čitindžan e angliškolakoro sikljobaskoro plani tegani ka džane pošukar so šaj te adžikere tari angliškola hem so šaj te rode olatar.

Isi komunalno angliškole hem privatna angliškole. Bašo komunalno angliškole isi jek politikani komisija soj odgovorno. Bašo privatno angliškole isi olen je ingaribe (vodstvo) kova tano odgovorno. Sa o angliškole mora te keren buti palo sikljobaskoro plani.

Sar pravilo ki angliškola isi čhave taro 1 dži ko 6 berš. Sa o čhave so isi olen pherdo 3 dži ko 6 berš isi olen pravo te džan bilovengoro ki angliškola 525 sahatia ko berš.



» Ki angliškola o čhave ka oven maškar o asavke bare manuša so ka dikhen sakone čhaveskoro šaipa bašo angledžajbe«

KOTAR E ANGLEŠKOLAKORO SIKLJOJBASKORO PLANI, LPFÖ 98 (KONTROLIRIMO 2010)



## Korako palo korako ko jek sikljojbe baro sar o dživdipe

I angliškola ka kerel buti palo e demokratiakoro fundamenti. Mangel te vakerele pe kaj o manuša so kerena buti othe trebela te kerene jek phravdi demokratikani klima kori so sakova čhavo ka dikhel sar plo adžahar e javerengoro vrednost.

Ki angliškolakiri buti ka dikhel pe jek pedagogika kori so o arakhibe, dikhibe, vaspitibe hem o sikljojbe ka kerene jek celina. Odova značinela kaj i angliškola angleder sa tani kerdi bašo tle čhave, hem oj ka kerel tu te šaj te kere buti ja pale te studirine.



Ko sikljojbaskoro plani terdžola kaj o khelibe tano vašnobašo tle čhavengoro angledžajbe hem sikljojbe. O manuša so kerena buti othe keda ka planirinen pli sako-divesutni buti ola ka len ko obzir so mislinena o čhave, olengoro interesi hem olengoro iskustvo. O čhave ka probinen te vakeren so ola mislinena korkori ja pale barabar e javere čhavencar ko razna načinia, ko primer giljencar hem muzikaja, makhibaja, khelibaja, dramaja, vakeribaja hem pisibaja.

E čhavage ka del pe šaipa te šaj te bajrol ani olende o kulturikano identiteti. E čhavengoro čhibjakoro angledžajbe tano jek but vašno buti ki angliškola. I angliškola ka deldumo te šaj okola čhave so isi olen javer dajakiri čhib na i švedsko, te šaj ola te džan angle ko solduj čhibja ki švedsko hem ki pli čhib.

I angliškola ka sikavel e čhaven te na kerel pe disavi razlika maškar o čhaja hem čhave. Sa o čhavage hem čhajenge ka del pe isto šaipa te šaj ola te džan angle bizo ograničiba.



## Sakoja angliškola tani specifično

O sikljobaskoro plani ka garantirinel kaj sakone čhaveske dela pe jek šukar angliškola bizo razlika kori manuš bešela. Sa e angliškolen jeksikljobaskoro plani hem odoleske sa e angloškolen isi hem jek cili. Ama šaj o butikerbaskoro način te ovel javer. Odova so pasujnela ki jek anglo. I butik a kerel pe prema e čhavengiri potreba.

E komuna ja pale e ingaribe ki jek privatno angliškola isi olen o najbaro odgovornost baši angliškola. Te isi disave problemia othe hem tu našti te kere lafi e manušencar so kerena buti othe ja pale e direktorea tegani šaj obratinea tut e komunake ja e ingaribaske.

## »I angliškola ka insiririnel e čhaven ola te istražinen e sveto«

AKOTAR E ANGLEŠKOLAKORO SIKLJOBASKORO PLANI, LPFÖ 98 (KONTROLIRIMO 2010)





## Maškarbutikeribe e dadencar-dajencar

Ko sikljobaskoro plani terdžola kaj i angliškola ka kerel buti ko jek but paše maškarbutikeribe (suradnja, sorabotka) e kherencar. Odoleske but i važnote isi tut te vakere diso vakere e manušencar so kerena buti othe. Jek šukar prilika bašo odova i keda mukheja pale keda lea e čhaven. Tegani o personali ka vakeren tuke sar sine tle čhvenge ki angliškola odova dive. Tegani tuda šaj vakerea olenge te ulo diso specialno khere hem verovatno šaj ka ovel šuar ola te džanen odova.

O personali ka organizirinel te ovel angledžajbaskere vakeriba hem tegani šaj te diskutirinen sar i tle čhvenge othe, sar džana angle tle čhave hem sar funkcinela i angliškola. O sikljobaskoro plani ka ovel sar jek podrška bašo vakeribe.

»I angliškola ka ovel šukar, sigurno hem jek than barvalo džanibaja sa e čhvenge so džana othe«

KOTAR E ANGLEŠKOLAKORO SIKLJOBASKORO PLANI, LPFÖ 98 (KONTROLIRIMO 2010)





## Mangea te čitine sa o sikljojbaskoro plani?

E sikljojbaskoro plani isi ko sa o angloškole. Tu šaj te poručine ole ja  
te huljare ole kotar e Skolverketeskoro webbthan [www.skolverket.se](http://www.skolverket.se).

ISBN 978-9187115-09-7

Grafisk form: AB Typoform

Omslagsfoto: Maskot

Foto inläga: s 2 NordicPhotos, s 3 Kzenon/Shutterstock,

s 4 Yulya Shilova/Shutterstock, s 5 Michael McLain, s 6 NordicPhotos

Skolverket 2012

*Skolverket*